

**Неделя 2 по Пятидесятнице,  
всех святых в земле Русской просиявших. Глас 1.**

**На Господи, воззвах:  
Стихиры воскресные, глас 1:**

**1. Стих:** Изведи из темницы ду́шу мою́,/ исповедатися и́мене Твоему.

**Вечёрняя наша моли́твы/ прими, Святы́й Го́споди,/ и пода́ждь нам остав-  
ле́ние грехо́в,/ я́ко Еди́н еси́// явлей в мире Воскресе́ние.**

**2. Стих:** Мене ждут праведницы,/ дондеже́ возда́си мне.

**Обыди́те лю́дие Сио́н/ и обymíте Его́, и дади́те славу в нем Воскресшему из  
ме́ртвых:/ я́ко То́й есть Бо́г наш,// Избавлей нас от беззаконий на́ших.**

**3. Стих:** Из глубины воззвах к Тебе, Господи,/ Господи, услы́ши гла́с мой.

**Прииди́те лю́дие, воспои́м,/ и поклони́мся Христу́,/ сла́вяще Его из мертвых  
Воскресе́ние:/ я́ко То́й есть Бо́г наш,// от прелести вражия ми́р Избавле́й.**

**4. Стих:** Да будут уши Твои/ внимлюще гла́су моле́ния моего.

**Веселитесь Небеса, вострубите основания земли, возопийте горы веселие: се  
бо Еммануил грехи наша на Кресте пригвозди, и живот да́й, смерть умертви,  
Адама Воскресивый, я́ко Человеколюбец.**

**Стихиры русских святых. Глас 3:**

**5. Стих:** Аще беззакония назириши, Господи, Господи, кто постоит?// Я́ко у  
Тебе́ очище́ние е́сть.

**Приидите, собори Росси́йстии,/ су́щия в стране нашей святыя восхва́лим:/  
преподо́бныя, и иера́рхи,/ и кня́зи благове́рныя,/ му́ченики и священно-  
му́ченики,/ и Христа́ ради юро́дивыя,/ и же́н святых сосло́вие,/ вку́пе име-  
нуе́мая и неимену́емая,/ сии́ бо воистинну дельы́ и словесы́,/ и многови́дным  
житием, и от Бога дарова́нии/ содела́шася святы́и/ и Руси́ тезоимение свято-  
сти пода́ша,/ ихже и гробы Бог чудесы просла́ви,/ и ны́не несредственне про-  
славльшему их Христу предстоя́ще,/ мо́лятся приле́жно о нас,// любовьию со-  
вершающих све́тлое их торжество́.**

**6. Стих:** Имене ради Твоего потерпех Тя, Господи, потерпе душа моя в слово  
Твое,// упова душа́ моя на Го́спода.

**Прииди́те, православия любите́лие,/ пе́сенными добротами похвалим бого-  
мудрыя святители Росси́йския,/ Христо́вы Церкви светлое украше́ние,/ свя-  
ще́нства венцы, благочестия пра́вило,/ исто́чники Божественных исцелений**

неисчерпа́емая, / проли́тие дарова́ний духо́вных, / ре́ки мно́гих чуде́с, / зе́млю Русскую веселя́щая течéнием, / благове́рным людем теплы́я посо́бники, / ихже ради Христо́с врагов возноше́ния низложи́, // имея́й ве́лию ми́лость.

**7. Стих:** От стражи утренния до ночи, от стражи утренния, // да упова́ет Израиль на Господа.

Земля веселится и Небо радуется, / отцы преподобнии, / восхваляюще подви́ги и труды ваша, / душевное благомо́щие и ума чистоту, / законом бо естества не победистесь. / О, соборе святы́й и полче Божественный, // земли наша́я утверждение вы есте воистинну.

### Глас 8:

**8. Стих:** Яко у Господа ми́лость, и многое у Него избавле́ние, // и Той избавит Израи́ля от все́х беззако́ний его́.

Блаже́ннии богомудрии князие Росси́йстии, / православною мудростию сия́юще, / добродетелей же све́тлостью блиста́юще, / озаря́ете верных исполне́ния, / бесов тьму отгоня́юще; / темже, яко причастники невече́рняя благода́ти / и насле́дия вашего хранители непосты́дныя, // вас почитаем, досто́чуднии.

**9. Стих:** Хвалите Господа вси языцы, // похвалите Его́ вси лю́дие.

Му́ченицы Христо́вы преблаже́ннии, / на вольное заколение сами себе преда́сте, / и землю Русскую́ кровью ва́шими освятите, / и во́здух просветисте преста́влением; / ныне же живёте на Небесе́х, / во све́те невече́рнем, // о нас всегда моля́щися, богови́дцы.

**10. Стих:** Яко утвердися милость Его́ на нас, // и истина Господня́ пребы́вает во ве́к.

Блаже́ннии Христа ради юродивии и пра́веднии, / в России просия́вши, / вы, отвержением себе Христу́ последова́вше, / мудре́йшим юродством прехитрили есте диа́вола, / сего связавше подви́ги ва́щими, / и, богатство нося́ще в ду́ши некра́домо, / вся Христо́ва учения делом исполните, / и, ныне на Небесе́х лику́юще, / не преста́йте моли́тися о Ру́сстей земли́ // и о всех почита́ющих вас.

### Слава: глас 1:

Весели́ся о Господе, Русь Правосла́вная, / радуйся и ликуй, верою светло оде́явшись, / телеса́ подвижников веры и свидетелей и́стины / в недрах своих иму́щи, я́ко сокрови́ще, / наслади́ся чудес, от них истека́ющих, / и, видя́щи полк сей святы́й, / от ви́димых и невидимых врагов тя огражда́ющий, / благодарно Спа́су возопи́й: // Господи, сла́ва Тебе.

## **И ныне, Догматик, глас тойже:**

**Всемирную славу, / от человек Прозябшую, / и Владыку Рóждшую, / Небесную Дверь воспоим Марию Дéву, / Безплотных Песнь, и верных Удобрéние: / Сия бо явился Небо, и Хра́м Божества: / Сия́ преграждение вражды разрушивши, / мир введе, и Ца́рствие отве́рзе. / Сию́ убо имуще веры Утвержде́ние, / Поборника има́мы из Нея Рождшагося Го́спода. / Дерза́йте убо, держайте людие Бо́жи: / ибо То́й победит враги́, // яко Всеси́лен.**

**Прокимен воскресный, глас шестый:** Господь воцарися, в лепоту облечеса.

## **На Литии:**

**Поется стихира (или стихиры) храма, затем:**

### **Стихиры русских святых: Глас 8:**

**Сра́дуйтесь с нами, вси ли́цы святы́х / и вся ангельская чинонача́лия, / духо́вне совоку́пльшеса, / при́дем и воспоим благодарную песнь Христу Бо́гу: / се бо безчисленный сонм сродников на́ших / предсто́ит Царю Сла́вы / и моле́бно ходата́йствует о нас. / Сии суть столпи и красота веры правосла́вныя; / сии учении, и дела, и крове́й излия́нии / Це́рковь Божию просла́виша; / сии от всех предел земли нашея возсия́ша, / и веру правосла́вную в не́й / чудесы́ и зна́мении утверди́ша, / и во иныя страны пронесо́ша, апостольски ревну́юще; / инии же пустыни и грады обительми святы́ми украси́ша, / а́нгельское житие показу́юще; / мнози ругании, и ранами, и лютою сме́ртию / от сынов века сегó иску́сишася, / мно́зи же и инеми ви́ды, / во всяцем чине подви́завшеса, / нам терпения и злострадания о́браз пода́ша, / и вси́ вкупе молят ныне Го́спода / от бед избавитися отечеству на́шему // и всем нам спасты́ся.**

### **Ины стихиры, подобны на осмь гласов:**

#### **Глас 1:**

**О, дивное чудо! / Источницы благочестия / в России являются, / и путеводители к Небеси святии сродницы нам бывают. / Веселися, Русь Православная, / сих отечество земное. / Возопиим, вернии, / таковыя имуще в бедах заступники: / блаженнии и святии, / Бога не престайте о нас молити, // подающего вами земли нашей велию милость.**

#### **Глас 2:**

**Светите отечеству вашему всегда, / славнии чудотворцы русстии, / якоже звезды светлыя, / покрываете бо присно сие от пагубы врагов / и избавляете озлобления и бури всякия. / Темже радостно празднует, / летнюю память, блаженнии, совершающе, / верою и любовию поюще Господа, // вас прославльшаго.**

**Глас 3:**

Велия святых Твоих, Христе, сила:/ во гробех бо лежаще,/ духи прогоняют/  
и упраздниша вражью власть,/ верою Троическою подвигшися// во благочес-  
тии.

**Глас 4:**

Дал еси знамение/ боящимся Тебе, Господи,/ Крест Твой честный,/ имже  
тии, посрамивше/ начала тьмы и власти,/ на Святей Руси православие утвер-  
диша./ Темже Твое человеколюбное смотрение славим,/ Иисусе всесильне,//  
Спасе душ наших.

**Глас 5:**

Приидите, Небеснии предстателие наши, к нам,/ вашего требующим мило-  
стивнаго посещения,/ и избавите озлобленныя мучительскими прещении/ и  
лютаго неистовства неверных,/ от нихже, яко пленницы и нази, гоними ес-  
мы,/ от места на место часто преходяще/ и заблуждающе в вертепех и го-  
рах./ Ущедрите убо, прехвальнии,/ и даруйте нам ослабу,/ утолите бурю/ и  
угасите еже на ны негодование,/ Бога моляще,// подающаго вами земли на-  
шей велию милость.

**Глас 6:**

Все отложивше/ житейское томление и сладость текущую презревше,/ крест  
взясте, яко иго Божественное,/ и Христу последовасте,/ и к Небесному по-  
кою чудно вселистеся./ О, друзи Христови, сосуди честнии,/ святии вси, в  
России просиявшии,/ приидите посреде нас невидимо,/ предначинающе тор-  
жество и пение/ и сподобляюще даров невещественных// ваш праздник со-  
вершающих светолепно.

**Глас 7:**

Не лишени есмы надежды спасения,/ святыя бо сродники наша имамы,/ о нас  
молящияся.// Господи, слава Тебе.

**Глас 8:**

Господи,/ аще и нам по всему подобни быша святии,/ но, пристрастия земна-  
го отвергшеся,/ любовь к Тебе крепко привязашася,/ и, венчавшеся ныне/  
рукою Твоею,// предзащищают души наша.

**Слава и ныне, Богородичен воскресный, глас 8:**

Безвестная Дево,/ Яже Бога неизреченно заченши плотию,/ Мати Бога  
Вышняго,/ Твоих рабов мольбы прими, Всенепорочная,/ всем подающи  
очищение прегрешений:/ ныне наша моления приемлющи,// моли спастися  
всем нам.